



KA TÂNA THILTHLÂWNPÈK!

CHÂNGVAWN: “Thilthlâwnpêk thâ leh famkim zawng zawng chu chunglama, Pâ hnên ațanga lo chhuak a ni,” (*Jakoba 1:17*, NIV).

Chhiar Tûr: Luka 2:1–7; *Chatuan Nghahfâk*, pp. 31–36.

Thúchàh: *Pathianin thilthlâwnpêk tha tak tak min pêk zînga tha ber chu Isua a ni.*

MARIA-i nû chuan damdâwi inah fapa duhawm tak mai a nei a. Maria hian nautê hi a ngainân, a duh thei êm êm a. A nûin ina nautê a rawn hâwnpui chuan Maria-i chu a hlim êm avângin a nui ver ver deuh reng mai a ni.

Krismas hnuhnung bera a thilpêk dawn chu naute lem duhawm deuh mai hi a ni a. Tûnah chuan a nûin nautê a neih tâk avângin hmangaihîn a infampui thei tawh dâwn a. A tân chuan thil lâwmawm tak, naute lem mai mai âia lâwmawm zâwk fê a ni.

Kum eng emaw zât liam tâah khân, Nausên duhawm tak chu chhûngkaw dang pakhatin an dawn avângin an hlim tlâng êm êm a. Chû chu tunge nia in rin?

MARI pawh chu ama hriat tâwk lek chuan a nui deuh ver ver vê ta reng mai a. Nakin lawkah naute danglam bîk tak mai, LALPA Krista chu a neih dâwn avângin a hlim lo thei lo a ni.

Angel khân chutiang lo thlen tûr thû engkim a hrilh tawh a, mak pawh a ti hlê a nih kha. A hmasa berin, Pathian thlan a nih bîk chhan chu ngaihtuahin, mak a ti a. Amah leh Josefa chu Davida thlaha mi chu an ni ngêi mai a. Pathian Thû chuan Messia chu chumi thlah kal zêl ațanga lo piâng tûr a nih thû a lo sawi diâm tawh a. Mahse annî chênna khua chu hrilhâwk nain a sawi hmun chu a ni sî lo. Zâwlnei Mika sawi dân chuan Messia chu Davida khawpui ațanga lo piang tûr a ni tlat mai! Mari leh Josefa-te eawh chu Nazareth khuaa chêng an ni sî a ni. Since the angel had told her about that, she had wondered. First she wondered why God chose her.

Chutah an kuaah chuan chanchin thar pawimawh deuh mai a lo thang a. Rome Lalbr





Augustus-a chuan a lalam chhûngah chhiarpui nei tûrin thutlûkna a siam a. A lalam chhûngah mihring engzât nge chêng tih hriat a duh a. Chutiang atân chuan chhûngkaw tinte hi kim taka chhiar an ngai a. Chutiang ti tûr pawh chuan mi tin chu an thlahtûte khuaah kher kalin, chhiar an ni tûr a ni. Chutiang chuan Josefa pawh chu Bethlehem khaw lama an kal a ngai dawn tihna a ni.

Mari nau hrin hun tûr pawh chu a lo thleng têt pawh a. Pathian chuan engkim mai hi A lo ruâhman lâwk fel dîmdiâm a. Zâwlnei Mika sawi lâwk ang khân, Mari naupai lai chu Bethlehem khuaa piang a ni tûr a ni. A hun takah, ram rorêltu sorkar chuan Bethlehem khuaa kal lo thei lovin a siam a.

Bethlehem khaw lam pana an zin chu an kal chak thei lovin, a hahthlâk hlê mai baw a. Kawngah chuan khualzin kal vê dang pawh an tam hlê mai. Kalkawng lah chu vaivut a tam êm avângin Mari hrawk leh mit lam pawh a tibuai lek lek thîn a ni.

Hah leh châu tak chung a kal zêlin, a tâwpah Bethlehem khua chu an thleng thei ta hrâm a. Mahse vânduaitlâk takin, Josefa chuan thlenna tûr hmun a

zawng hmu zo lo tlat mai! Mikhual thlenna tûr hmun ruâk rêng rêng a awm tawh sî lo. Khualzin dangte chu an lo awm khat hung zêl tawh mai a. Josefa rilrû pawh a nuam lo vin, a beidawng deuh rum rum a. Mari pheih chu a naupai a hrâm tawh a, a châu leh zual a ni.

A tâwpah khualbûk nghâktu chuan a hmuhin a khawngaih vê êm êm a. Mari chuan nau a nei thuai tawh dawn tih pawh a hria a. An hnênah chuan, “Pawi ka ti hlê mai. Pindan ruâk pakhat mah awm lo vin, an luah fai vek tawh baw sî a. Mahse khualbûk hnung lamah hian ran in chu a awm a. In awm duh chuan . . .” a ti a.

Josefa chuan, “Kan luah mai a nge. Hmun kan neih vê hrim hrim chuan kan lâwm khawp ang,” tiin a chhâng a.

Ran in chhûngah chuan ran chu an lo awm a. A thente chuan buhpâwl chu an lo thiâl niâu niâu hlawm a. An hnârte lên vêlin, an tum ri hruih hruih baw a. Mahse ran inah chuan ran châu (bùhpâwl) chu a tam a. A thianghlimin a ro tha viau baw a.

Chumi zân tak chuan Nausên Isua chu a lo piang ta a. Mari chuan in ațanga a ken sâ puân nêmin a tuâm a. Eng emaw chen chu hlim leh lâwmna rilru pu chungin a’ n pawm hlê hlê a. A hnûah chuan Josefa buatsaih ranchaw pêkna thlênga buhpâwl thianghlim tak a phah chungah chuan a muttîr ta a ni.

Mari pawh chu Josefan bùhpâwl phaha a mutna tûr a buatsaihsakah chuan a mû a. Hetiang ang êm êm hian tûnhmâ zawng khân a la châu ngai lo! Mahse chuti tak chuan châu baw mah se, a rilru chhûng chu a hlimin a lungâwi hlih hlih thung a. Pathian chuan A thutiâm chu A hlen taa, thilthlâwnpêk duhawm ber chu Mari hnênah a pe ta baw a. Kan zâa tâna Pathian thilthlâwnpêk ropui leh hlu ber chu Isua hi a ni!

TÌHTÛR

Sabbath Chàwnhû

- In chhûngte nêh khawî lai hmun remchângah emaw lêng chhuak ula. Pathianin thil min pêk zînga la thang mêk entîrna tûr la khâwm ula. Chûng chanchin chu sawi ang che u, tichuan in Bible zirlai hi in chhiar ho dâwn nia.
- In Bible-ah *Jakoba 1:17* kêuvîn in chhiar ula. Thilsîama Pathian thilthlâwnpêk hrang hrangte avângin Pathian hnênah lâwmthû in sawi dâwn nia.
- Krîsmas hlâ saho ula, tawngtâina in hlân zui dâwn nia.

Sunday

- Chhûng inkhâwmnaah, *Luka 2:1-7* chhiar ula.
- Krîsmas Card hlui hmangin ‘Nausên Isuâ Bû’ siam ula, a tîrah angelin Mari hnêna thû a sawi lai lem, chutah Bethlem pana an zin lai lem, Isua pian leh a nausên lai thlâte in bel zêl ang a. A hrihfhahna thû pawh in zîak tel zêl dâwn nia.
- Chângvawn vawng tûra zirin, sawi ruâl ula. Dictionary bûah thafamkim tihna (perfect) tih awmzia hi en teh u.

Thàwhtannî

- In chhûngte nêh, *Mika 5:2* chhiar ho ula. Messia kha khawî khuua piang tûr nge ni? _____
- Josefa thlahu langsâr deuh deuhte hming, Bethlehem khaw chhuak pathum emaw tal zîak chhuak teh u (En tûr: *Ruthi 1:1, 2, 22; Matthaia 1:5, 6, 16*). 1. _____
2. _____, 3. _____
- Puitling lamte hnênah khawî khuua piang nge an nih zâwt hlawm ula. Nangni khawia piang nge in nih?

Thàwhlèhnî

- In chhûngkaw worshipnaah *Luka 2:5-7* chhiar ula. Pian leh mûrna lam tlêmin chhui zui ta ula. Engtin nge in pianna leh Isuâ pianna kha a danglam a, a inan deuh bawk?
- Isuâ chênna in hmasa berah khân eng rante nge chênga in rin? Chutiang ran lem chu ‘Nausên Isuâ Bû-ah’ khân in bel tel dâwn nia. Chûng ran chanchin thil pahnih tal hriat belh tum ang che u.
- In chângvawn hi in chhûngte zirtûr vê ula. Chênna tûr in/hmun in neih avângin Pathian hnênah lâwmthû in sawi dâwn nia.

Nîlâinî

- In chhûngkaw worship neihnaah Isua pian lai vêl târlang thei Krîsmas card-te târ chhuak ulang. Thilthlâwnpêk azawnga hlu ber chu Nausên Isua kha a ni tih hrereng ang che u. *Rome 6:23* in chhiar tlâng dâwn nia.
- Thil pêk lem siam ula, chutah chuan in chângvawn thû kha zîak ula, hmun langsâr laiah in târ dâwn nia.
- “Zân Thiang Reh Lai Takin” (AH No. 58) tih hlâ kha saho ula, Pathian thilthlâwnpêk hlu chungchuâng Isua avângin lâwmthû sawi ang che u.

Níngānî

- Chhûngkaw worship neih laiin, Bible map en tlâng ula. Bethlehem leh Nazareth kha kha entia inhlat nge ni âwm? Chû chu in chênna aţanga khawî khuâ ang vêl nge ni vê ang? Chû khuua kal tûr chuan engtia rei thang ngai tûr nge? Car emaw bus-in emaw kal ta ulang, dârkâr engzât nge ngai ang?
- *Johana 10:10* chhiar ho ula. Phûr takin Krîsmas hlâ in saho bawk dâwn nia.
- In chhûngkaw worship in neih zawhah, Zirtâwp tlâi atân thil tuihnâi eng emaw tak buatsaih lâwk ang che u. In buatsaih pahin chângvawn kha hlâin in sâ emaw, in sawi ruâl emaw dâwn nia.

Zirtâwpmî

- In chhûngkaw worship nân, *Luka 2:7* chhiarin, in chhûngkua kha Josefa te, Mari te, angel te, khualbûk vêngtu te, ran leh thil dang dang lemah chang tlâng theuh ula. Tû chu nge in nih bâkah, Isua pianna chungchâng in ngaihdân in sawi theuh bawk dâwn nia.
- Isua lo piang lawm nân “Khawvêl Lâwm Nân” (No. 65) tih hlâ kha hlim takin saho teh u.
- Nimin lama thil tuihnâi tak in buatsaih kha sem pahin, in chângvawn kha hlâin saho ula. Pathian hnênah lâwmthu sawiin, A thilthlâwnpêk chung a in lâwmzia hrih ngêi ang che u.

PUZZLE

Puzzle 11

KAWHHMUHNA: Thilthlâwnpêk ropui leh duhawm ber hriat nân, a hnuai phêk mawnga hawrawp leh nambar intluk tawn dân hi enin, helaia nambar mil hawrawp chu a chungah hian ziaik zêl ang che u.

4 15 4 12 16 6 10 10 3 1 9 3 11 4 12 5 4 2 14

6 7 5 14 7 13 5 12 10 8 6 10 3

ACDEFGIMNOP R S T V Y
1 2 3 4 5 6 7 8 9 10 11 12 13 14 15 16

Ans: *Every good and perfect gift is from God.*